

VERSI ZUCCATI

di Saveriu Luciani

*Saveriu Luciani, entrepreneur en maçonnerie, poète et sculpteur, a bien voulu nous confier ces titres inédits. Son **Pastone di la di sangue è d'amore**, (La Marge, Aiacciu, 1990, 303 p.) avait déjà fait remarquer son inspiration attentive aux leçons de la poésie poétique et ouverte à tous les échos de l'humain. Flash sur une production toute cortenaise répondant à l'appel de l'Univers*



*S. Luciani
è J. Lang
à u lavu
di u Melu.*

*O li mio ochji di sonnu pienu nascenu ombre
d'un tendone tesu.*

Ombre

Pendini appesi
Sott'à a volta
Mandili tesi
Tutta la notte
Fiori chì dormenu
Senza pensà
È lu to core
Chì sunnieghja
Cum'è un pozzu
Senza difesa
Pienu d'acqua
È benestà.



Nuli passi

S'affaccanu pianamente
Da daretu à li monti
Cum'è cavalli mansi

Cappiati in l'alti prati
Dopu una corsa scema
In li deserti piatti
Purtati da i venti
È tanti soffii umani

Tentacule lampate
In lu turchinu celu
E cime circundate
Si coprenu à spaventu
A rutella sfiammichente
Piatta e so candelle
S'abbughjanu i so basgi
È pienghjenu zitelle.

Quando a terra ferita
D'issa tacca suprana
S'ammanta di dolu
Cum'è ghjovana veduva
Cum'è cari parenti
In l'aspettu di l'ora
Di purtà frà i soi
Un ghjuvanottu in terra

S'imbucina u tempu
E nostre stonde strinte
Cascanu cum'è frasche
Sottu à a rustaghja
Addiu amichi
O e belle camisgie
Cambiate cum'è fiori
In l'entre di l'inguernu.

Belli li to ochji
Cum'è prima stagione
Dolce la to bocca
Cum'è surgente ritrova
Calli li to petti
Cum'è un sole chì more
Care le to mane
Cum'è un solcu novu

Ù n si parla più
Si tomba
À chì nome ùn si sà
Sia ciò ch'ella sia
Troppu sangue
Corre avà

C'era un paesolu à sulana
Ritrattatu da ognunu
Un paesolu veranu
Chì lucia in u scuru
Un paesolu di muntagna
Foscu oghje cum'è un dolu

Per Paulu è per tant'altri...

In una valle

In fondu d'una valle
Sott'un linzolu di fume
Ci dorme una casa
Duv'ellu luce lume
Ci campanu zitelli
Figlioli di furtuna
È pò torna una donna
Principessa diurna
In fondu d'una valle
A machja fiurisce
E truite in l'onde
Si lascianu campà
I cignali in tornu
Accarezzanu stonde
Cum'è l'acelli in celu
Senza mai cuntà
I ghjorni s'aprenu
Cum'è primi fiori
Offerti à u tempu
È per longu andà
Mà a storia ùn dice
Perchè tuttu ùn hè scrittu
Quale in fondu d'issa valle
Un ghjornu ci serà.